

四庫全書

集部

欽定四庫全書

聖祖仁皇帝御製文集卷三十四目錄

古今體詩四十首

春日郊行

清明登玉泉山

時巡近郊憫農事有作

鄭州雜詩五首

春日内苑賜宴詩并序

初夏登樓臨水

夏日同三王慈寧宮請

太皇太后安

夏旱步禱

南郊喜雨

五日泛舟賜內大臣侍衛宴

咏蟬

題蘇軾墨竹

初寒

懋勤殿古榦梅

春曉

春雪

懋勤殿讀尚書至無逸篇有作

春晝二首

景山春望

榴花

咏觀天儀器

鶴

經筵進講周易

秋日出郊觀稼

題張擇端清明上河圖

長至日祀

天園邱有述四章

遠望西山積雪

春盤

端凝殿齋居

賜直隸巡撫于成龍并序

苑西新柳二首

和唐太宗咏桃花即用原韻

欽定四庫全書

聖祖仁皇帝御製文集卷三十四

古今體詩四十首

春日郊行

春殿晴雲繞鑾輿出禁闌
桃花臨紫陌柳葉暗青旂
宿雨能清蹕和風早拂衣
馬嘶馳道遠滿地盡芳菲

清明登玉泉山

寒食登高芳草青
泉聲映柳出春亭
心中懷得天然處

坐對沙鷗樂野汀

時巡近郊憫農事有作

芳郊景物麗淑氣扇暮春靈雨應良節光風薄嘉辰省
耕已屆候風駕方來巡前驅列式道羽衛羅鉤陳時有
田間子荷耒披車塵譏訶勿頻數疾苦當咨詢千耦幸
終畝二鬴猶懸困樵蓑爾勤動痼瘵予隱親賙賜出泉
府拊循屬官臣行潦有挹器冽井無枯津所惠良未徧
嗟嗟愧斯人

鄭州雜詩五首

條風鼓櫂動清漪
夾岸青青楊柳垂
輕轉牙樯觀易水
波光日影映旌旗

其二

桃花歷落李花開
綠柳含烟傍水隈
鴻雁平沙看不盡
春光曖曖入蓬萊

其三

為省春耕歷潮澧
鑾輿頻止勸農功
柴門掩處烟村靜

碧水長橋落彩虹

其四

陽氣溫
和臨樹久
花繁物靜
草芊芊
莎添嫩色
含波綠
柳覆金堤
翠幕連

其五

野水瀰漫處處長
方流涵玉動珠光
風移藻荇波痕闊
千點鷺鷥柳一行

春日內苑賜宴詩并序

己未三月律應姑洗望日之吉賜內閣大臣及侍衛
宴於內苑時乃玩花於絳雪玉樹含風浮杯於西齋
金池漾月因題四韻以示諸臣

春深內苑裏珍席宴羣臣蝶向雙檐舞花飛複閣新和
羹期上佐調鼎協洪鈞蕭鼓歡無極芳年醉此辰

初夏登樓臨水

澄潭徹底開心鏡柳絮輕飛近玉樓處處晴花風拂起
鶯啼四月繞芳洲

夏日同三王慈寧宮請

太皇太后安

九天旭日照銅龍朝罷從容侍

上宮花萼聯翩方晝永晨昏常與問安同

夏旱步禱

南郊喜雨

歷春憫農勞首夏望嘉穀離畢月故遲密雲去何速
顚穹閔膏澤及此祈年夙齋居承穆清中夜起自爾繁星

麗赤霄雲漢光自煜雞鳴開重闥輿馬輟華轂步禱升
郊壇祠官啓太祝是時甘澍零霑潤及拜伏空濛迫閭
闔噴薄驅海瀆屏翳灑道迴滲漉足裳服麥隴應秀色
重穎欲在目願惟歌屢豐餘粟棲比屋

五日泛舟賜內大臣侍衛宴

錫宴公卿禮數隆浴蘭令節泛翔鴻波開舟楫迎仙仗
岸轉旌旗驟玉驄積翠香蒲經宿雨輕烟寶幄散薰風
臣民共樂昇平日暢飲何論灞滻雄

咏蟬

飲露當涼夜吟風向晚晴
乍移深樹影又聽別枝聲
與物心無競離塵翼最輕
秋懷聊寄咏愛爾獨能清

題蘇軾墨竹

徑尺箕罍墨淺深雪堂健筆勢千尋
縱饒凝露春梢色不比凌霜挺節心

初寒

灑雪凝霜正渺漫曉來朔色滿林巒
何當吹遍鄒陽律

盡却人間黍谷寒

懋勤殿古榦梅

宮梅先發上林枝
淡白含芳窈窕姿
若待春風吹律暖

影隨朝日樂雍熙

春曉

夜短正宜眠
又聞天色曉
臨門親政務
豈厭事多少

春雪

三冬望雪意殷殷
積素春來亂玉紋
農事東疇堪播植

勤民方不愧為君

懋勤殿讀尚書至無逸篇有作

元化幹四運淑景催芳年乾乾總萬幾寸陰惜屢遷
絲几散瑤帙阿閣颺鑪烟澄懷求至理孔壁存遺編
公旦訓無逸則古多所宣言念小民依田功稼穡先
天命良匪易敬德省厥愆法戒備近王炯炯斧宸前
寤寐思古人千禩精意傳端居不遑暇三復期勉旃

春晝二首

液池冰泮後阿閣燕來初
晝轉銅壺漏春添玉案書
晴絲烟乍捲花霧綺還舒
萬象生成意欣欣各自如

其二

亭午朝初暇方春候轉佳
惠風來上巳遲日麗中街
鶯語頻遷樹花陰半映階
所期凝庶績永使萬邦懷

景山春望

雲霄千尺倚丹邱輦下山
河一望收鳳翥中天連紫闕
龍蟠北極壯皇州烟生沆瀣
春初麗露濕芙蓉翠欲流

却向閭閻看部屋崇高還厯廟堂憂

榴花

未結千房實先開五月花紅綃簾戶下疑似漢時槎

詠觀天儀器

乾象極高遠孰者為網維惟此貞恒理可以揆測知靈
臺有儀器云自古聖貽偃蓋金絜絜飾體珠離離橫玉
莞其中激水相推移內挈黃赤道外互南北垂紫宸凝
不動列曜如峙碁制作倖造化法撰窮神奇昔在有虞

氏以命和與義七政順其軌庶績咸用熙後來代有述
神明夫前規日官比申命欽哉重人時惟幾恒自勅曰
旦凜在茲五緯協位序燠寒無僭差永言答靈眷長與
休禎期

鶴

夜警三霄露秋凌萬里雲立同薛稷畫舞憶鮑昭文

經筵進講周易

桂宮仙仗啓蘭殿講筵開朝士鳴珂集詞臣執簡來天

苞宣一畫人極位三才待扶義文秘羹牆日幾回

秋日出郊觀稼

秋氣日寥迴萬象皆蒼蒼朝暾被渥露草木含晶光西
成方屆候農事將築場於焉省歛穫令典重百王輕軒
屏前置夙駕無嚴裝郊原一以眺烟樹紛成行微風散
深樾清流抱迴塘土脉秀且沃篝車鬱相望新鑣繁如
月刈此溪雲黃捃拾復何幸遺秉滿道旁鳥雀互翔集
婦子咸悅康行將吹葦籥報爾千斯箱眷言三時勤艱

難詎可忘茫茫視九壤豈盡歌豐穰二鬴苟不充予饑
愁如傷幸茲樂有年時若雨與暘勗哉慎所麗田功庶
無荒

題張擇端清明上河圖

天津橋下水粼粼柳外盤舟夾畫輪想見汴京全盛日
春遊多少太平人

長至日記

天園丘有述四章

於穆天綽鑒觀惟赫播物無私佑于有德

高皇受命膺符闡繹丕顯

太宗廓圖登績眷我

皇考九圍是式克享

天心立民之極一章

洪惟景運集於渺躬南諧北燮君茲萬邦夙夜敬止恒
惕于衷母曰高高聽卑則聰母曰盱盱視遠斯通罔敢
逸豫昭事必恭二章

是月仲冬維日長至爰啓

泰壇肅將禋祀濟濟奉璋羣工在位牲玉既陳齋舞乃
備對越有虔百神攸暨雲旒揚揚華星晬晬

三章

乃辨雲物載觀載書乃占豐年多黍多稌南陸曜采導
我歸輿芸香始生景長以舒初陽來復相協厥居垂象
是則奉若不渝

四章

遠望西山積雪

積雪西山秀仙峰玉樹林凍雲添暮色寒日淡遙岑

春盤

小摘園中露新香
糝作羹歲和欣有兆
甘菜已春生

端寧殿齋居

肅肅羣籟屏裊裊
鑪烟舒詠日躬禋祀
濯祓臨齋居輝輝
輝閣西日流影照綺
疏坐久微風來冷然
吹衣裾霽心觀萬象
默見天地初感神在
至誠寧俟濯鬯餘

賜直隸巡撫于成龍并序

直隸巡撫于成龍秉性惇樸廉介夙聞朕心嘉賴俾

典節鉞保釐畿輔惟能激濁揚清始終如一清潔之
操白首彌厲真國家之可重人所不能也茲來陞見
爰賜以詩用示敦勵之義且以風有位焉

自昔崇廉治勤思吏道澄郊圻王化始鎖鑰重臣膺政
績聞留犢風期素飲冰勗哉貞晚節褒命日欽承

苑西新柳二首

岸草青回太液池春來又見柳垂絲東風小院三眠後
最愛驚黃蘸水枝

其二

輕烟漠漠柳青青
半拂虹橋半水亭
啼鳥數聲春晝永
博山香裊隔簾聽

和唐太宗咏桃花即用原韻

苑裏韶華滿
春工試綺裝
霞輕籠樹影
日暖散林光
倚檻千叢錦
開簾百合香
東風自貽宥
長護萬年芳

聖祖仁皇帝御製文集卷三十四

欽定四庫全書

集部

聖祖仁皇帝御製文集卷三十七

五至

臣 永瑤恭校

侍讀臣孫球覆勘

覆校官中書臣施光輅

校對官助教臣胡子襄

謄錄貢生臣吳紹昆

欽定四庫全書

聖祖仁皇帝御製文集卷三十五目錄

古今體詩二十一首

潞河三首

巡幸出喜峯口過黃土巖

大石磯

塞上宴諸藩

入喜峯口

野望

夏日迎薰亭

午日

潭柘寺

戒壇卧松

早秋新霽

夜坐

瀛臺

天津

通惠河閱運艘

滇平

宮門聽政示閣部諸臣

昇平嘉宴同羣臣賦詩用柏梁體

并序

元夜與諸王宴飲乾清宮

欽定四庫全書

聖祖仁皇帝御製文集卷三十五

古今體詩二十一首

潞河三首

潏澹春波散碧漪
白蘋初葉麥初歧
潞河三月桃花水
正是乘舟薦鮓時

其二

畫鷁中流起櫂歌
參差荇藻漾晴波
澤梁雖設曾無禁

斜日魚罾兩岸多

其三

東風吹雨曉來晴
春水高低五牖聲
蘭漿乍移明鏡裏
綠楊深處坐聞鶯

巡幸出喜峯口過黃土巖

紫塞雙崖出丹梯
百尺懸草香遮細路
樹老卧晴煙地
為時巡到山當隘
口偏何年留石室
駐馬望層巔

大石磯

遠近峯迴合潺湲澗淺深一磯橫大石萬騎出層林蒙
密巖花發繇蠻谷鳥音龍堆塵不到憑眺足娛心

塞上宴諸藩

龍沙張宴塞雲收帳外連營散酒籌萬里車書皆屬國
一時劍珮列通侯天高大漠圍青嶂日午微風動綵旂
聲教無私疆域遠省方隨處示懷柔

入喜峯口

一道鳴鑾度三驅振旅還莓苔天半石松枯雨中山險

設關門壯時清堠火閒

孝陵佳氣近縹緲翠微間

野望

嶺外茅茨小林端煙火遲田家耕鑿意一一九重知

夏日迎薰亭

苑啓時初夏亭陰午未闌雨過池藻碧日綻海榴丹
水含清景禽魚得靜觀薰風能解愠試取玉琴彈

午日

令序當重午南臺日正中玉階鳴瀑水瑤軫奏薰風
葉浮杯綠榴花照檻紅臨流看競渡轉憶濟川功

夏日潭柘寺

微雲綴岡嶺細路揚前旌磴轉松門開漸覺沙界平
潭湮石甃露柘古苔紋生一徑得疎豁層軒面崢嶸
愛此戶外泉俯視涓涓清修篁挺蒼翠其下流交橫
斐然淇澳思宛爾涓涓濱情嶮谷有遺響蕭韶鸞鳳聲

戒壇卧松

蒼松卧如龍蜿蜒鱗鬣古膚寸起山雲用汝作霖雨

早秋新霽

卷幙過新雨披襟納好風餘霞明遠岫倒景射晴虹稼穡豐年足乾坤爽氣同高天雲斷處歷歷見初鴻

夜坐

靄靄燕寢夕遲遲清漏催絺袞盈襟几次第中宵開華月影惟燭涼颼韻宮槐玉杯露方浥金鑪麝初煤坐覺秋氣肅斗柄西南回晨光尚未啓已有鷺聲來

瀛臺

紅闌橋轉白蘋灣
疊石參差積翠間
畫舸分流簾下水
秋花倒影鏡中山
風微瑤島歸雲近
日落清霄舞鶴還
乘興欲成蘭沼詠
偶從機務得餘閒

天津

轉粟排千艦
分流納九河
潮聲連海壯
樹色入京多
鼓楫魚龍伏
停帆鶴鶴過
津門秋望遠
明月湧金波

通惠河閱運艘

千檣爭溯白蘋風飛輓東南澤國同已見靈長資水德
也應辛苦念田功

滇平

洱海昆池道路難捷書夜半到長安未矜干羽三苗格
乍喜征輸六詔寬天末遠收金馬隘軍中新解鐵衣寒
回思幾載焦勞意此日方同萬國歡

宮門聽政示閣部諸臣

中書天下本六官庶僚首絲綸委寄隆分職慎所守上

相列天階喉舌筦北斗乾象方昭垂古來詎虛授軒皇
置六相姬文擇四友得人邦乃昌此事諒非偶曰予既
寡昧歛然謝哲后聽政日不遑望道遠何有啓沃藉臣
鄰匡贊資左右雖云際昇平民物豈康阜圖終貴謹始
治安莫予狃廣業惟克勤勵精期永久作詩一相勗敬
哉庶無負

昇平嘉宴同羣臣賦詩用柏梁體并序

朕於宣政聽覽之餘講貫經義歷觀史冊於書見元

首股肱膺颺喜起之盛於詩見鹿鳴天保諸篇未嘗
不慕古之君臣一德一心相悅若斯之隆也今際海
內宴安兵革偃息首春令序九陌燈輝豐穰有徵吾
民咸樂思與諸臣欣時式燕爰於乾清宮廣集簪裾
肆筵授几斯時也蟾光鼇炬焜耀堂廉綵樹瓊葩離
羅樽俎許笑言之勿禁寬儀法之不糾復令次登文
陛渥以金罍咸伴有三爵油油之色馬易曰上下交
則志同傳曰享以訓恭儉宴以示慈惠則今日之兕

觥旨酒豈徒以飲食燕樂云爾哉顧瞻諸臣或位居
諧弼或職任卿尹或典文翰或司獻納宜共成篇什
以紹雅頌之音朕發端首倡徼柏梁體班聯遞賡用
昭昇平盛事冀垂不朽云康熙二十一年正月十四

日

麗日和風被萬方

御製

卿雲爛熳彌紫闥

內閣大學士臣勒德洪

一堂喜起歌明

良

內閣大學士臣明珠

止戈化洽民物昌

內閣大學士臣李蔚

蓼蕭

燕譽

聖恩長

內閣大學士臣馮溥

天心昭格時雨暘

吏部尚書臣黃機

豐亨有兆祝千箱

戶部尚書臣梁清標

禮樂文章仰

聖皇

禮部尚書臣吳正治

廟謨指授靖八荒

兵部尚書臣宋德宜

春

回丹詔罷朽楊

刑部尚書臣魏象樞

河清海晏禹績彰

工部

尚書臣朱之弼

百度胥飭綱紀張

都察院左都御史臣徐元文

千官

濟濟盈巖廊

吏部左侍郎臣張士甄

天工無曠勤贊襄

吏部

右侍郎臣楊永寧

有年歌協臣所望

戶部左侍郎臣李天馥

共期

紅朽答殊常

戶部右侍郎
臣李仙根

轉漕億萬充天倉

戶部

倉場侍郎
臣馬汝驥

邦禮叨贊輒趨蹌

禮部左侍郎
臣楊正中

職司

寅清佐垂裳

禮部右侍郎
臣富鴻基

天河洗甲通蠻鄉

兵部

左侍郎
臣焦毓瑞

皇威四暢咸來王

兵部右侍郎
臣陳一炳

祇承欽恤和氣

翔

刑部左侍郎
臣杜臻

刑措不用民壽康

刑部右侍郎
臣葉方藹

八

材庀化師爰斡

工部左侍郎
臣趙璟

右平左城開明堂

工部

右侍郎
臣金鼎

仰窺神策驅天狼

內閣學士
臣李光地

膏以大澤

人胥慶

內閣學士
臣張玉書

帝庸作歌追虞唐

翰林院掌院學士
臣陳廷敬

身依雲漢賡

天章

翰林院學士
臣張英

恪秉訓厲敦羔羊

都察院左副都御史臣宋

文運

奉宣仁風之吳疆

巡撫江寧右副都御史臣余國柱

九閣詠

蕩瞻龍光

通政使司通政使臣王盛唐

斗杓高掩貫索芒

大理

寺卿臣

圖列養正親羹牆

詹事府詹事臣沈荃

黃鐘大鏞

張雲翼

諧禎祥

太常寺卿臣崔澄

郊衢擊壤歡豐穰

順天府府尹臣熊一

瀟

大官珍膳羅酒漿

光祿寺卿臣馬世濟

調閑六御騰康

莊

太僕寺卿
臣張可前

忝預風紀凜清霜

都察院僉都御
史臣張吉午

出入玉珮聲鏘鏘

通政使司左
通政臣崔官

納言惟允尚職

詳

通政使司右
通政臣吳瑛

褒忠勵節感賜觴

通政使司右
通政臣陳汝

器

園扉闌寂芳草芳

大理寺少卿
臣蔡國祚

拜手好生頌

禹湯

大理寺少卿
臣徐旭齡

前星令望欽顙印

詹事府少
詹事臣王

澤宏終始念典用斯臧

詹事府少詹
事臣崔蔚林

言模行範輝

縹緗

翰林院侍讀學
士臣蔣宏道

猗歟至德日就將

翰林院
侍讀學

士臣胡
簡敬

叨塵侍從恩莫量

翰林院侍讀學
士臣朱之佐

靖共

夙夜無怠遑

翰林院侍講學士臣嚴我斯

梧桐生矣于高岡

翰林院侍講學士臣孫在豐

紬書東觀翰墨香

翰林院侍講學士臣盧琦

三德六行為士坊

國子監祭酒臣王士禎

宮官備位滋悚

惶

右春坊右庶子臣祖文謨

六經義叶如笙簧

翰林院侍講臣朱典

奎

文煥若森琳瑯

翰林院侍讀臣王封滌

朝朝橐筆侍御牀

翰林院侍講臣董訥紀載

聖治金匱藏

翰林院侍講臣王鴻緒

頻年宣室虛對揚

翰林

院侍講臣高士奇

宸篇揆藻燭昊蒼

翰林院侍講臣郭棻

承華毓

德成圭璋

左春坊左諭
德臣陳論

青宮琪樹棲鸞凰

右春坊右

諭德臣
朱世熙

金輿導從駟雲驤

司經局洗馬
臣田喜霖

累恩流

影耀璧璫

通政使司左參議
臣趙士麟

仁波溟渤同濊汪

通政

使司左參議
臣趙之鼎

鸞旂乘春零露灑

通政使司右參議
臣張鵬

爰

賡天保矢勿忘

通政使司右參議
臣鄭重

八表同軌來梯航

大理寺寺丞
臣徐誥武

雲門磬管聲喤喤

右春坊右中允臣吳鳴珂

泰

交天闕開春陽

左春坊左中允臣李錄予

惟睿作聖金玉相

右春坊右中允臣鄭開極

珥筆何章日月傍

左春坊左贊善臣徐乾學

瑞

逾寶鼎兼芝房

左春坊左贊善臣鄭之謙

堯樽夜醉星低昂

右春坊右贊善臣沈上墉

在廷悅豫和宮商

右春坊右贊善臣王尹方

濫

典樂正董上庠

國子監司業臣劉芳喆

治登三五休聲颺

翰林院修撰臣歸允肅

睿謨典誥同洋洋

翰林院編修臣王頊齡

記

神聖功臣職當

翰林院編修臣曹禾

琅函瑤版書焜煌

翰林

院檢討臣潘耒

石渠高議芟秕糠

翰林院檢討臣嚴繩孫

日侍清

禁研鉛黃

翰林院編修臣杜訥

願言直節謹自防

吏科掌印給事

中臣王承祖

帝心勤民重農桑

戶科掌印給事中臣王曰溫

具舉細目恢

宏綱

禮科掌印給事中臣李迥

誕敷文德四國匡

兵科掌印給事中臣

劉沛

嘉禾既殖鋤莠稂

刑科掌印給事中臣姚締虞

屈軼朱

草紛兩廂

掌河南道御史臣唐朝彝

封章問夜檢阜囊

掌江南道

御史臣任珙

擬將勁操堅蒼篴

掌浙江道御史臣李見龍

朝無闕

事聯班行

掌山西道御史臣郭維藩

千門燎火宵未央

掌山東道

御史臣孫必振

昇平高宴邁相梁

掌陝西道御史臣衛執蒲

元夜與諸王宴飲乾清宮

今夕丹幃宴聯翩集懿親傳柑宜令節行葦樂芳春香
泛紅螺重光搖絳蠟新不須歌湛露明月足留人

聖祖仁皇帝御製文集卷三十五

欽定四庫全書

聖祖仁皇帝御製文集卷三十六目錄

古今體詩三十八首

東巡二首

并序

玉田

駐蹕豐潤城西

夷齊廟

并序

灤河泛舟

經永平城南

撫寧

山海關

并序

蒙恬所築長城

姜女祠

曉過寧遠

行殿夜覽章奏

呂翁山是

聖祖太宗文皇帝擒洪承疇處

松山

杏山晚眺

憇小凌河

錦州道上

駐蹕大凌河

途次逢寒食

十三山

過廣寧望醫巫閭山

渡句驪河

過永安橋口占

盛京遣使請

太皇太后

皇太后起居夜書奏疏畢偶成

三月初六日告祭

福陵恭述十韻

初八日告祭

昭陵恭述十二韻

盛京舊宮

告祀禮成宴諸臣於舊宮

三月十一日雪中詣

永陵告祭

薩爾許

并序

柳條邊望月

望祀長白山

松花江放船歌

江中雨望

經葉赫廢城

鐵嶺

雜詠

欽定四庫全書

聖祖仁皇帝御製文集卷三十六

古今體詩三十八首

東巡二首

并序

八年征動喜見澄平緬想

祖宗功德禮宜躬謁

陵廟以告成功爰於二月十五日命駕東巡是日天氣
晴和微風動旆從者溢路觀者夾途顧瞻遠邇莫不

懽躍賦詩二首

昆池不習戰寰宇已銷兵鴻業承匪易膚功久乃成威
靈昭

祖德展謁慰羣情迢遞關山路寧辭千里行

其二

順動因時豫東風引翠旗鳴鑾萬騎出執事百僚隨日
暖草初茁煙輕柳未絲春光無限好應有上陵詩

玉田

徐無山下水涓涓幾道橫流灌玉田驅犢荷鋤農事作
五風十雨卜豐年

駐蹕豐潤城西

旌門饒吹發雲璈行漏聲傳帳殿高欲向山頭望明月
豐潤縣有明月山恐驚霄漢避龍鑣

夷齊廟 并序

永平府治西古孤竹城夷齊廟在焉灤水經其前清
風臺峙其後倚巖俯流足以登眺夫夷齊孤竹君之

二子也能讓侯封不食周粟採薇首陽山獨行其志
孟子以聖之清稱之蓋人惟能立節自可垂名夷齊
之去國潔身不求人知而廟貌千古迄今猶存吁造
詣其可忽乎哉

灤河水清駛荒山屹然峙上有孤竹城亂石半傾圮堂
廡既具觀廟貌亦儼爾緬惟商代末天下漸披靡茲地
實藩封人民差可恃兄弟以義讓富貴如敝屣叩馬諫
周王數語昭青史遯跡首陽山薇蕨何其美萬載挹高

風頑懦聞之起蒼蒼臺下松湯湯臺前水勁節與澄流
不媿相比擬停鑾碧山阿懷古未能已

灤河泛舟

平沙漠漠接長河天際浮雲落照多兩岸蒼山相竦峙
扁舟一櫂任清波

經永平城南

三代幽偏地秦時右北平川原繇大陸形勝借堅城晴
日初迎輦春風暗拂旌龍山遙入目縹緲白雲橫

撫寧

輦路平鋪孤嶼東日華升處海雲紅忽聽百舌春啼巧
盡在蒼條古木中

山海關

并序

連山據海地固金湯明時倚為險要設重鎮以守之
我朝定鼎燕京垂四十年關門不閉既非設險還慙
恃德偶賦數言聊以紀事

重關稱第一扼險倚雄邊地勢長城接天空滄海連成

歌終歲苦插羽不時傳作鎮隆三輔征輸困百年笳寒
龍塞月甲冷雉樓煙歷數歸皇極網維東化權漫勞嚴
鎖鑰空自結山川在德誠非易臨風更慨然

蒙恬所築長城

萬里經營到海涯紛紛調發逐浮誇當時用盡生民力
天下何曾屬尔家

姜女祠

朝朝海上望夫還留得荒祠半似山多少征人埋白骨

獨將大節說紅顏

曉過寧遠

孤城臨巨野
舊烈憶西征
破壘荆榛滿
邨雞向曉鳴

行殿夜覽章奏

飛遞傳來奏牘多
旌門莫問夜如何
銀燈毳幕春寒重
恐是陰陽尚失和

呂翁山是

聖祖太宗文皇帝擒洪承疇處

旌旗直捲陣雲沈
濠塹遺蹤尚可尋
十萬健兒皆解甲
一時大帥此成擒
民情效順當年事
王業維艱

聖祖心遂使關西如破竹
至今戰氣晝陰森

松山

鳴笳伐鼓速兵機
百勝謀成夜合圍
月黑風高神鬼泣
金戈白馬識天威

杏山晚眺

野日荒荒蔓草平
孤邨雞犬寂無聲
山中獵罷殘陽晚

時見高原夜燒明

憩小凌河

河水流不息晝夜去涓涓昔為征戰地今是豫遊年駐
馬孤岑外移舟古岸前殘陽下新柳約略見春妍

錦州道上

野徑臨官驛炊煙出杳冥地連榆塞紫山列錦屏青城
郭知何處旌旄只暫停版圖歸大業烽火罷林垌

駐蹕大凌河

歸騎雲屯向晚過昇平笳吹動饒歌光搖幕火繁星燦
影暗旗風野霧多兵氣已銷沙右所軍聲猶壯大凌河
豐京老將還能說曾記前途自倒戈

途次逢寒食

何處來春風澹蕩開晴旭不見杏花紅纔逢柳梢綠

十三山

迤邐峰連大道間憑空青削十三山敵樓人散堠臺廢
終日茸茸草色間

過廣寧望醫巫閭山

名山插霄漢，朵朵青芙蓉。連亘數十里，隱現千百重。迢
遙不可極，黛色堆奇峰。窈窕復窄窄，鬱鬱多蒼松。中有
桃花洞，杳靄常雲封。萬古鎮幽州，秩祀同岱宗。盼望生
引領，瞻顧停六龍。何時一登覽，盪滌疏心膺。

渡句驪河

野岸春蕪發，青蔥一色齊。皇輿連近遠，地軸別東西。日
送霓旌影，風催駿馬蹄。山河繚帶礪，回首重低迷。

過永安橋口占

夾路飛塵宿雨消十年曾此駐龍鑣
春風城闕知非遠幾處輕寒變柳條

盛京遣使請

太皇太后

皇太后起居夜書奏疏畢偶成

雲山遙隔萬安宮定省心懸午夜中
孺慕經時書不盡微誠憑仗與東風

三月初六日告祭

福陵恭述十韻

瑞靄鍾靈闕晴煙繞闕宮萬山皆拱北百水盡洄東天
矯盤峰秀紆迴磴道通俯看環衆象遥睇極高崇松柏
丸丸直岡巒面面同恢弘思

祖烈建樹本神功戰術無前略謨謀啓後衷揮蛇曾握
劍定鼎有遺弓展禮威儀整申誠俎豆豐車書叨繼統
藐爾媿微躬

初八日告祭

昭陵恭述十二韻

盛德兼三代威名定四方
文謨真顯赫武烈實飛揚
包并收羣國虛謙集衆長
網羅來俊彥締造闢洪荒
卜世周垂厯開基漢啓疆
靈山佳氣迴

寢廟瑞雲張曠遠臨平陸
幽深逼上蒼汗嘗趨石馬
歌欲奏芝房洱海銷兵戰
炎陬絕叛狂功成昭默佑
告祀肅誠將微念通層構
含情望兩廂千官遵大典
進退盡

鏘鏘

盛京舊宮

雙懸鳳闕隱金鋪想見龍飛握瑞符
殿列丹青崇大政宮開紫極接神區
君臣際會風雲日版籍留存山海圖
堂構有懷追往事土階儉樸示規模

告祀禮成宴諸臣於舊宮

閭闔門開玉座春金支徧插綺筵新
鏗鏘劍珮千官集曼衍魚龍百戲陳
功定舞干歌靖亂恩留過沛樂同民

大風猛士何煩憶仗下班聯絡灌臣

三月十一日雪中詣

永陵告祭

峰巒疊疊水層層王氣氤氲護

永陵蟠伏諸山成虎踞飛騫衆壑佐龍騰雲封草木橋
園古雪擁松楸輦路升一自遷岐基盛業深思遺緒
難承

薩爾訥

并序

太祖高皇帝嘗駐師於此以五百人破明四路兵數十萬衆殲杜松於鐵背山遂有遼東實

帝業之所由基也

城成龍躍竦重霄黃鉞麾時早定遼鐵背山

一名注
鼻木

前

酣戰罷橫行萬里迅飛颺

柳條邊望月

雨過高天霽晚虹關山迢遞月明中春風寂寂吹楊柳
搖曳寒光度遠空

望祀長白山

名山鍾靈秀二水發真源
翠靄籠天窟紅雲擁地根
千秋佳兆啟一代典儀尊
翹首瞻晴昊岩堯逼帝閭

松花江放船歌

松花江江水平清夜來雨過
春濤生浪花疊錦繡縠明綵
帆畫鷁隨風輕簫韶小奏中
流鳴蒼巖翠壁兩岸橫浮
雲耀日何晶晶乘流直下蛟
龍驚連檣接艦屯江城貔
貅健甲皆銳精旌旄映水翻
朱纓我來問俗非觀兵松

花江江水清浩浩
瀚瀚衝波行雲霞
萬里開澄泓

江中雨望

煙雨連江勢最奇
漫天霧黑影迷離
掀翻波浪三千尺
疑是蛟龍出沒時

經葉赫廢城

斷壘生新草
空城尚野花
翠華今日幸
谷口動鳴笳

鐵嶺

雨餘塞草自綠
日出山花更紅
轍跡神州近
遠驥鳴廣

陌西東

雜咏

古戍行來日落孤邨坐對月明漠漠龍沙千里桓桓虎
衛三更

聖祖仁皇帝御製文集卷三十六